

sex dierum duos pro primo, duos pro secundo, reliquos vero et ultimos duos dies pro tercio et peremptorie termino ac canonica monicione ei pre singulis et assignat adhuc, coram eo legitime compareat contumaciam suam purgaturus, nec non libello alias per procuratorem honorabilis viri magistri Iohannis Meurer prefate universitatis membri, actoris et contra ipsum reum coram eo iudicialiter ablato respondeat cum effectu, aut 5 ultima die monicionis compareat coram eodem, causas si quas habere poterit rationabiles, cur ita moneri non debeat, allegaturus. Alioquin si secus fecerit, termino monicionis huiusmodi decurso, ipsum Conradum Tuben extunc prout exnunc et exnunc prout extunc excommunicet dei nomine in hiis scriptis. Datum anno *æ. XLVI<sup>to</sup>*, die ultimo mensis aprilis, prepositure sub sigillo presentibus subimpresso.

10

## 80.

*Die vier Nationen bekennen, daß die Universität bis jetzt alles mögliche gethan habe, um die Befreiung der beiden Verhafteten zu erwirken, und daß der Bischof ersucht werden solle, der Sache derselben ein Ende zu machen.*

[1446] Mai 12.

*Hilschr.: Universitätsbibliothek Leipzig Cod. mscpt. No. 176 fol. 328<sup>a</sup>.*

15

Item die Iovis XII. mensis maii, convocata tota universitate, petivit sororius Borchardi civis Tzitzensis liberationem predicti Borchardi et conclusum fuit per quatuor nationes, quod licet huc usque universitas pro liberatione detentorum diligenciam fecit quam potuit tantam. Ex superhabundanti deberet supplicari domino episcopo, quatenus in causa inquisitorum cepta finem imponeret. Si enim detenti reperirentur rei, tunc pro- 20 cederet iuxta formam concilii generalis traditam in clementiam de hereticis, sin autem invenirentur insontes, ad universitatem remitterentur, et quod medio tempore eos gratiose detinent, ne in eorum mentibus tormentarentur. Et pro littera ingressanda deputatus fuit per concilium universitatis magister Iohannes de Ratispona.

## 81.

25

*Schreiben der Universität an den Bischof von Merseburg in Betreff einiger Bestimmungen in den Statuten der einzelnen Fakultäten. Zugleich wird der Bischof ersucht, die Angelegenheit der beiden verhafteten Studenten zu beendigen, da in Universitätskreisen großer Unwille über die Verzögerung derselben entstanden sei.*

[1446.]

*Hilschr.: Universitätsbibliothek Leipzig Cod. mscpt. No. 176 fol. 328<sup>b</sup>.*

30

Post humilem commendationem cum reverencia et obediencia debitis devotionis intime famulatum, reverende pater et domine gratiose. Quum vestra paternitas bonum statum nostre universitatis favorabiliter zelans nuper in Liptzk in negotio statutorum benivolenciam nobis exhibuit<sup>a</sup>) cum immensa gratitudine merito commune dandam, que

81. a) S. Zarucke, Statutenbücher 9—16 (Reformation v. 12. Januar 1446).

35